

群書鈎玄十二卷

（元）高恥傳輯

元至正七年（一三四七）刻明修本。

框高十九·九釐米，寬十三·九釐米。每半葉十一行，行二十至二十五字不等，小字雙行二十五字不等，白口，左右雙邊。

高恥傳，生卒年不詳。字堂卿，臨邛（今四川省邛崃市）人。元順帝至正初年在世。

是書有高氏自序，曰：「余少嗜書，苦於質魯，朝記憶而夕忘之，遂銳意於筆札。凡涉獵羣書，見一事之美，一辭之善，必錄之。積四十年，篋笥不能容，徙置他室，以冊計者三百餘，以紙計者莫知數。乙亥、壬午，兩遭鬱攸之厄，所存者十之二三。掇拾灰燼之餘，得治郡邑之善者千有餘事，條而輯之，名曰《為政龜鑒》，歸之趙侯伯常父（名知彰）。其它片言隻字、膾炙人口者，尤不忍棄，亦彙而成之，凡十卷，見者多筆之。居數日，而一舊友出示數紙，則已取第三卷刊之矣，竟弗能止。復請曰：『此羣書之精粹。昔昌黎韓子有言：纂言者必鈎其玄，願以《羣書鈎玄》名之。』予無以易，遂用冠諸編首。或可以資初學之萬一，非敢以示大方之家也。」

《四庫全書總目》將是書列入存目，且云：「是書雜採古事古語，以字數為標目次

第，自一字起至七字止。其不能限以數者，別為『膾炙句』二卷。其一字類不能成句，則以古文奇字當之，龐雜殊甚。後附『刪節通鑒』一卷，題曰《建置沿革》。又附陳騏《文則》一卷，更無倫理。」蓋是書乃擷取經史中常見習語，並標明出處，以便初學者取資。

高氏自序又稱：「將刊版事引出以為論」，蓋元至正七年刊成。中有明補版。版心上方多鐫有助刻者名氏，可辨者有：吳郡王景誠助、王晉助、王益助、周和卿助、嚴國華助、吳彥常助、武林姚唐卿助、錢唐趙寧孫助、毘陵張叔達助等。下間鐫刻工名氏。傅增湘《藏園羣書經眼錄》卷十子部四著錄是書元刊本三部，據其所錄藏印，知其中一部即此本。

鈐有「安樂堂藏書記」、「明善堂覽書畫印記」、「伯寅藏書」、「九峰舊廬珍藏書畫之記」、「藏園祕笈」等印。知是書曾經清怡親王府、潘祖蔭、近人王綬珊、傅增湘遞藏。今藏上海圖書館。（睦駿）